

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj 7/10), na prijedlog Ministarstva za pravosuđe i upravu, Vlada Zeničko-dobojskog kantona, na 6. sjednici, održanoj dana 16.04.2015. godine, d o n o s i

ZAKLJUČAK

I.

Prima se na znanje Izvještaj o radu Kantonalnog suda u Zenici za 2014. godinu.

II.

Izvještaj iz tačke I ovog zaključka upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02-_____/15.
Datum, 16.04.2015. godine
Zenica

P R E M I J E R

Miralem Galijašević

DOSTAVLJENO:

1x Ministarstvo za pravosuđe i upravu,
1x Kantonalni sud u Zenici (putem ministarstva),
1x Stručna služba Skupštine,
1x a/a.

**Bosna i Hercegovina
Federacija Bosne i Hercegovine
ZENIČKO-DOBOJSKI KANTON
KANTONALNI SUD U ZENICI**

Broj: 004-0-SuDp-15- 000033

**IZVJEŠTAJ O RADU
KANTONALNOG SUDA U ZENICI
ZA 2014. GODINU**

Zenica, 16.01.2015. godine

I - UVODNE NAPOMENE

Organizacija, nadležnost, finansiranje, pravosudna uprava i druga pitanja od značaja za organizaciju i funkcionisanje sudova na teritoriji Federacije Bosne i Hercegovine uređene su Zakonom o sudovima u Federaciji Bosne i Hercegovine ("Službene novine Federacije BiH" broj: 38/05, 22/06, 63/10, 72/10, 7/13 i 52/14).

Odredbom člana 28. ovog Zakona je utvrđena stvarna nadležnost kantonalnih sudova propisivanjem prvostepene i drugostepene nadležnosti, dok je odredbom člana 63. Zakona propisano da sudovi podnose godišnju informaciju o svom radu nadležnom ministarstvu pravde i Visokom sudskom i tužilačkom vijeću Bosne i Hercegovine do 31. marta tekuće godine.

Kantonalni sud u Zenici je u 2014. godini poslove i zadatke vezane za ostvarenje sudijske funkcije obavljao kroz svoje organizacione jedinice: građansko, krivično i odjeljenje za upravne sporove, dok su ostali poslovi i zadaci obavljani kroz odjeljenje sudske uprave (odsjek za administrativno-tehničke poslove – sudska pisarnica, odsjek za računovodstvo i odsjek za pomoćno-tehničke poslove).

Prema Odluci Visokog sudskog i tužilačkog vijeća Bosne i Hercegovine od 16.12.2009. godine za Kantonalni sud u Zenici je utvrđen broj od 18 redovnih sudija uključujući i predsjednika suda i 6 dodatnih sudija. Zeničko-dobojski kanton je polovinom 2010. godine obezbijedio novčana sredstva za svih 18 redovnih sudija i dvoje dodatnih sudija. Kantonalni sud u Zenici je u 2014. godini radio u sastavu od 18 redovnih sudija uključujući i predsjednicu suda i dvoje dodatnih sudija. U 2014. godini značajnije odsustvo s posla zbog bolesti je evidentirano u odnosu na sudiju Unkasa Arnaut (116 dana bolovanja).

U Kantonalnom sudu u Zenici u 2014. godini je radilo 40 zaposlenika. Od tog broja 6 su državni službenici, a 34 namještenici.

II – PROTOK PREDMETA, KVANTITET RADA, KVALITET RADA, OSTVARENI REZULTATI U RADU NA STARIM PREDMETIMA, TRAJANJE POSTUPAKA NA NIVOU SUDA I IZRADA SUDSKIH ODLUKA

Na kraju 2013. godine u Kantonalnom sudu u Zenici je bilo neriješenih 1435 predmeta. U toku 2014. godine Kantonalni sud u Zenici je zaprimio u rad ukupno 5721 predmeta, što je u odnosu na 2013. godinu za 725 predmeta više, pa je u 2014. godini u radu bilo ukupno 7156 predmeta.

U 2014. godini na svim referatima je riješeno 5687 predmeta. U odnosu na 2013. godinu broj riješenih predmeta u 2014. godini je veći za 773 predmeta. Procenat svih riješenih predmeta u 2014. godini u odnosu na priliv u 2014. godini iznosi 99,40 %.

U pogledu prekršajnih predmeta taj procenat iznosi 109,85%, parničnih 102,39 %, krivičnih 101,65%, izvršnih 97,89%, upravnih 89,11% i privrednih 88,46%, zemljišno-knjižnih 83,44%.

Na dan 31.12.2014. godine broj neriješenih predmeta u Kantonalnom sudu u Zenici na svim referatima je iznosio 1469 predmeta.

Od tog broja, na predmete građanskog odjeljenja otpada 1161 predmet (parničnih 632, izvršnih 353, zemljišno-knjižnih 88, privrednih 48 i vanparničnih 40).

Na predmete krivičnog odjeljenja otpada 134 predmeta (K predmeta 19, Kž predmeta 84, Kbs predmeta 3, Kps predmeta 5, Kvl predmeta 13, Kv predmeta 6, K-Mpom 2 predmeta, Kžk 1 predmet i Km-Kmž 1 predmet). Na dan 31.12.2014. godine broj neriješenih drugostepenih prekršajnih predmeta je iznosio 8.

Na predmete odjeljenja za upravne sporove otpada 166 predmeta (U predmeta 160 i Uvp 6 predmeta).

Priliv predmeta u 2014. godini u odnosu na 2013. godinu je veći na svim referatima izuzev zemljišno-knjižnog referata. U pogledu izvršnog referata priliv je veći za 299 predmeta, na prekršajnom referatu za 158 predmeta, na upravnom referatu za 145 predmeta, na privrednom referatu za 53 predmeta, na vanparničnom referatu za 34 predmeta, na parničnom referatu za 23 predmeta, a na krivičnom referatu priliv je veći za 13 predmeta. Na zemljišno-knjižnom referatu priliv u 2014. godini u odnosu na 2013. godinu je manji za 10 predmeta.

Broj neriješenih prekršajnih predmeta na kraju 2014. godine je manji za 59 u odnosu na 2013. godinu, parničnih za 45, a krivičnih predmeta za 15.

Blagi porast broja neriješenih predmeta na kraju 2014. godine u odnosu na kraj 2013. godine bilježe upravni, izvršni, vanparnični, privredni i zemljišno-knjižni referati. Broj neriješenih upravnih predmeta na kraju 2014. godine u odnosu na kraj 2013. godine je veći za 69, privrednih za 24, izvršnih za 21, vanparničnih za 23, a zemljišno-knjižnih za 22. Razlog ovom je povećan priliv predmeta ovih referata. Tako je, primjera radi, priliv predmeta izvršnog referata u 2014. godini u odnosu na 2013. godinu veći za 422, a upravnih za 96 (1. Tabela pregled - Protok predmeta po vrstama i referatima za 2013. godinu i 2. Tabela pregled - Protok predmeta po vrstama i referatima za 2014. godinu).

U tabelarnim pregledima nije sadržan podatak o broju izdatih uvjerenja ovog suda da se vodi / ne vodi krivični postupak protiv podnosioca zahtjeva.

Sud je 2014. godini izdao 8213 uvjerenja o vođenju/ ne vođenju postupka.

Ostvarena kolektivna norma suda za 2014. godinu iznosi 150,03%.

Prosječnu godišnju normu veću od 100 % su ostvarile sve sudije ovog suda i ona se kreće u rasponu od 128,31% do 208,40%.

U pogledu sudija koji su u izvještajnom periodu obavljali funkciju predsjednika suda i predsjednika odjeljenja (Snježana Čolaković, Emina Hulusija, Unkas Arnaut i Hilmo Ahmetović) ostvarene norme prema broju završenih predmeta su preračunate shodno određenju iz člana 14, stav 1, tačka c) i članom 15, stav 2, tačka a) i b) Pravilnika o orijentacionim mjerilima za rad sudija i stručnih saradnika u sudovima u Bosni i Hercegovini (predsjednica suda je bila u obavezi da ostvari 30 % sudijske norme, predsjednica građanskog odjeljenja Emina Hulusija 90 % sudijske norme, a predsjednici krivičnog odjeljenja i odjeljenja za upravne sporove sudije Unkas Arnaut i Hilmo Ahmetović su bili u obavezi da ostvare 80 % sudijske norme).

Sudijama Đurđici-Zori Radoš, Nusretu Halilović, Jasmini Begović-Devović, Mariu Anić, Ljilji Subašić, Mustafi Šabić, Indiri Pašić-Balić, Josipu Vuković, Albisi Kapić, Emiri Džerahović, Aleksandri Babić Stanković, Hilmi Ahmetović, Jasminki Kubat i Ranki Baškarad su njihove efektivne norme uvećane za po 20% temeljem odredbe člana 9, stav 5 Pravilnika o

orijentacionim mjerilima za rad sudija i stručnih saradnika u sudovima u Bosni i Hercegovini prema kojoj odredbi kada sudija u kantonalnom/okružnom sudu i Osnovnom sudu Brčko Distrikta BiH i Sudu BiH postupa u krivičnim prvostepenim predmetima kao član sudskog vijeća, predsjednik suda može prilikom obračuna uvećati njegovu efektivnu ostvarenu godišnju normu do 40%.

U odnosu na sudiju Unkasa Arnaut izvršen je preračun norme s obzirom na stvarno provedeno vrijeme na radu budući da je isti u 2014. godini zbog bolesti odustvovao sa posla u trajanju od 116 dana.

Slijedi tabelarni pregled ostvarene norme po sudijama u 2014. godini:

Red. broj	Sudija	Broj završenih predmeta	Ostvarena norma prema broju riješenih predmeta	Preračunate norme za predsjednika suda i predsjednike odjeljenja (član 14, stav 1, tačka c) i člana 15 Pravilnika	Uvećanje norme u skladu sa članom 9, stav 5 Pravilnika (učešće u radu prvostepenog krivičnog vijeća 20%)	Stvarna norma s obzirom na vrijeme provedeno na radu	Konačna norma
1	SNJEŽANA ČOLAKOVIĆ	227	62,52 %	208,40%			208,40 %
2	EMINA HULUSIJA	232	114,81 %	143,51%			143,51 %
3	ĐURĐICA-ZORA RADOŠ	238	118,35%		138,35%		138,35%
4	NUSRET HALILOVIĆ	227	115%		135%		135,00%
5	JASMINA BEGOVIĆ-DEVOVIĆ	269	130,04%		150,04%		150,04%
6	MARIO ANIĆ	286	142,99%		162,99%		162,99%
7	LJILJA SUBAŠIĆ	226	112,54%		132,54%		132,54%
8	MUSTAFA ŠABIĆ	308	155,51%		175,51%		175,51%
9	INDIRA BALIĆ-PAŠIĆ	239	120,06%		140,06%		140,06%
10	JOSIP VUKOVIĆ	235	116,93%		136,93%		136,93%
11	ALBISA KAPIĆ	229	114,2%		134,2%		134,2%
12	UNKAS ARNAUT	223	83,02%	92,24%		159,89 %	159,89%
13	ENES MALIČBEGOVIĆ	573	151,66%				151,66%
14	NERMIN TEŠNJAK	568	173,99%				173,99%
15	ASIM PEZER	222	128,31%				128,31%
16	EMIRA DŽERAHOVIĆ	284	121,79%		141,79%		141,79%
17	ALEKSANDRA BABIĆ-STANKOVIĆ	266	115,86%		135,86%		135,86%
18	HILMO AHMETOVIĆ	310	117,71%	130,79%	150,79%		150,79%
19	JASMINKA KUBAT	291	144,71%		164,71%		164,71%
20	RANKA BAŠKARAD	234	116,07%		136,07%		136,07%
		5687	122,80%				150,03%

Ukupan broj donesenih odluka u 2014. godini na koje se mogao izjaviti pravni lijek je 2080. Broj potvrđenih odluka je 170, preinačenih 5, djelimično ukinutih nije bilo, a ukinutih je 21.

Kvalitet sudskih odluka na nivou suda iznosi 92,5 %.

Na KŽ i U referatima kvalitet sudskih odluka iznosi 100%, na GŽ referatu 96,8%, na Rsž 96,2%, na Pž 95,02%, na K 84,0%, Kv 78,5%, na Kžk 58,3%, na Na ostalim referatima građanskog odjeljenja kvalitet iznosi 100%, dok na ostalim referatima krivičnog odjeljenja kvalitet iznosi 61,8%.

Slijedi tabelarni pregled kvaliteta sudskih odluka u 2014. godini za svakog sudiju ovog suda.

SUDIJA	UKUPNO PREDME TA NA KOJE SE MOŽE IZJAVITI PRAVNI LIJEK	POTVRĐE NE ODLUKE	UKINUTE ODLUKE	PREINAČ ENE ODLUKE	% UKINUTIH ODLUKA / UKUPAN BROJ POTVRĐENIH, PREINAČENIH I UKINUTIH ODLUKA	KVALITET ODLUKA SUDIJE PREMA PROCENT U UKINUTIH ODLUKA U ODNOSU NA UKUPAN BROJ POTVRĐE NIH, PREINAČE NIH I UKINUTIH ODLUKA	KVALITET ODLUKA SUDIJE PREMA PROCENTU UKINUTIH ODLUKA U ODNOSU NA UKUPAN BROJ DONESENIH ODLUKA NA KOJE SE MOŽE IZJAVITI PRAVNI LIJEK
SNJEŽANA ČOLAKOVIĆ	146	10		1		100,00%	99,32%
EMINA HULUSIJA	107	9		1		100,00%	99,07%
ĐURĐICA-ZORA RADOŠ	93	7				100,00%	100,00%
NUSRET HALILOVIĆ	101	7	2	2		81,82%	96,04%
JASMINA BEGOVIĆ- DEVOVIĆ	52	5				100,00%	100,00%
MARIO ANIĆ	150	17	1	3		95,24%	97,33%
LJILJA SUBAŠIĆ	97	5				100,00%	100,00%
MUSTAFA ŠABIĆ	141	11	1	3		93,33%	97,16%
INDIRA BALIĆ- PAŠIĆ	61	14	1	2		94,12%	95,08%
JOSIP VUKOVIĆ	85	3		5		100,00%	94,12%
ALBISA KAPIĆ	95	9	0	2		100,00%	97,89%
ENES MALIĆBEGOVIĆ	131	17	8	2		70,37%	92,37%
NERMIN TEŠNJAK	117	18	5			78,26%	95,73%
ASIM PEZER	29	5	2			71,43%	93,10%
EMIRA DŽERAHOVIĆ	156	14				100,00%	100,00%
ALEKSANDRA BABIĆ- STANKOVIĆ	148	4	1	1		83,33%	98,65%
HILMO AHMETOVIĆ	156	8		4		100,00%	97,44%
JASMINKA KUBAT	132	1				100,00%	100,00%
RANKA BAŠKARAD	83	1				100,00%	100,00%

Prednji podaci ukazuju na izuzetno dobre rezultate rada sudija ovog suda kako po ostvarenim prosječnim godišnjim normama tako i po ostvarenom kvalitetu odluka. Ovakvim rezultatima rada je prethodilo izuzetno zalaganje sudija i kontinuirano analiziranje rezultata rada na sjednicama odjeljenja ovog suda u cilju povećanja efikasnosti i kvaliteta sudskih odluka.

U 2014. godini zaprimljeno je ukupno 18 apelacionih odluka Ustavnog suda BiH.

U 13 odluka Ustavnog suda BiH izjavljena apelacija protiv odluka ovog suda je odbijena kao neosnovana, u 3 odluke je odbačena kao očigledno neosnovana, a u jednoj odluci je došlo do ukidanja odluke ovog suda i utvrđena povreda prava na pravično suđenje iz člana 6 Evropske konvencije i člana II/3. (e) Ustava Bosne i Hercegovine. U Odluci o dopustivosti i meritumu Ustavnog suda BiH broj AP 2588/13 od 09.12.2014. godine, a koja

odluka je u ovaj sud zaprimljena dana 31.12.2014. godine, Kantonalnom sudu u Zenici je naloženo da hitno odluči o žalbama izjavljenim protiv presude Općinskog suda u Zenici broj 43 0 P 034978 05 od 18.07.2014. godine. Važno je istaći da je predmet Općinskog suda u Zenici broj 43 0 P 034978 05 po žalbi u ovaj sud zaprimljen dana 15.09.2014. godine i da je Kantonalni sud u Zenici prije dostavljanja odluke Ustavnog suda BiH broj AP-2588/13 od 09.12.2014. godine, dana 16.12.2014. godine donio presudu broj 43 0 P 034978 14 Gž kojom je meritorno odlučio o žalbama stranaka izjavljenim protiv presude Općinskog suda u Zenici broj 43 0 P 034978 05 P od 18.07.2014. godine.

Kantonalni sud u Zenici je dana 16.01.2014. godine pod brojem 004-0-Su-14-000 016 donio Plan rješavanja predmeta za 2014. godinu. Tačkom III Plana je određeno da se Plan donosi za drugostepeni građanski referat (Gž, Gži, Rsž, Rsži, Gvl i Gvlž). Za ostale referate Kantonalni sud u Zenici nije imao obavezu sačinjavanja Plana rješavanja predmeta za 2014. godinu obzirom da je broj neriješenih starih predmeta po sudiji bio manji od dvomjesečne norme propisane Pravilnikom o orijentacionim mjerilima za rad sudija i stručnih saradnika u sudovima u Bosni i Hercegovini (Prečišćen tekst „Službeni glasnik“ BiH broj 2/2014).

Na osnovu člana 13, stav 1 Uputstva, za neriješene stare predmete drugostepenog građanskog referataa za svakog sudiju koji je Godišnjim rasporedom rada sudija za 2014. godinu trebao da rješava predmete ovog referata su donijeta četiri kvartalna plana sa određenim brojem najstarijih predmeta koji je svaki sudija bio dužan riješiti u tromjesečnom periodu. Kvartalni planovi su donošeni i za predsjednicu suda.

Broj predmeta u kvartalnim planovima za sudije: Albisu Kapić, Đurđicu –Zoru Radoš, Eminu Hulusija, Indiru Pašić-Balić, Jasminu Begović-Devović, Jasminku Kubat, Josipa Vuković, Ljilju Subašić, Mustafu Šabić, Nusreta Halilović i Ranku Baškarad je odgovarao određenju iz člana 11, stav 1 Uputstva, dok je broj predmeta u kvartalnim planovima za predsjednicu suda odgovarao određenju iz člana 18, stav 2 Uputstva. Za sudiju Maria Anić kvartalni planovi su sačinjavani od raspoloživih starih predmeta.

Prema četiri kvartalna plana za 2014. godinu za stare predmete drugostepenog građanskog referata utvrđena je obaveza rješavanja 1684 predmeta.

Na dan 31.12.2014. godine riješeni su svi predmeti iz četiri kvartalna plana tako da je Plan rješavanja starih predmeta za 2014. godinu realizovan u procentu od 100%. Ovakva realizacija plana je rezultat izuzetnog zalaganja sudija koji su rješavali stare predmete drugostepenog parničnog referata i predmete ponavljanja postupka, blagovremenog donošenja planova rješavanja starih predmeta, kontinuiranih analiza realizacije plana na sjednicama građanskog odjeljenja i aktuelizacijom mjera koje doprinose realizaciji plana.

U planu rješavanja predmeta proizašlih iz stečaja za period od 01.06.2014. godine do 31.12.2014. godine bilo je 9 predmeta i svi predmeti na dan 31.12.2014. godine su riješeni.

Slijedi tabelarni pregled broja neriješenih predmeta na početku izvještajnog perioda po godinama inicijalnog akta, broja riješenih predmeta u toku izvještajnog perioda po godinama inicijalnog akta, broja neriješenih predmeta na kraju izvještajnog perioda po godinama inicijalnog akta za svakog sudiju.

Podaci iz tabelarnog pregleda koji slijede pokazuju, između ostalog, da u strukturi riješenih predmeta u 2014. godini na predmete u kojima je inicijalni akt iz 2010. godine i prije otpada 817 predmeta ili 14,37%, dok broj neriješenih predmeta u kojima je inicijalni akt iz 2010. godine i prije na kraju izvještajnog perioda iznosi 168 ili 11,44 %.

Najveći broj neriješenih predmeta su predmeti u kojima inicijalni akt potiče iz 2013 i 2014. godine. Takvih predmeta je 1052.

Ovi pokazatelji nesumnjivo ukazuju da je Kantonalni sud u Zenici u 2014. godini vodio računa da prioritet u rješavanju imaju tzv. stari predmeti.

	Broj neriješenih predmeta na početku izvještajnog perioda po godinama inicijalnog akta								
	2013		2012		2011		<2010		UKUPNO
		%		%		%		%	
SNJEŽANA ČOLAKOVIĆ	5	1,04	13	2,4	3	1,485	6	2,84	27
EMINA HULUSIJA	25	5,21	41	7,56	14	6,931	16	7,58	96
MUSTAFA ŠABIĆ	22	4,58	29	5,35	10	4,95	19	9,00	80
JASMINA BEGOVIĆ	30	6,25	28	5,17	20	9,901	14	6,64	92
LJILJA SUBAŠIĆ	31	6,46	34	6,27	21	10,4	13	6,16	99
ALBISA KAPIĆ	16	3,33	44	8,12	10	4,95	19	9,00	89
MARIO ANIĆ	9	1,88	14	2,58	4	1,98	10	4,74	37
JASMINKA KUBAT	33	6,88	39	7,2	12	5,941	14	6,64	98
ĐURĐICA RADOŠ	25	5,21	38	7,01	16	7,921	12	5,69	91
INDIRA BALIĆ	21	4,38	45	8,3	9	4,455	19	9,00	94
JOSIP VUKOVIĆ	19	3,96	39	7,2	17	8,416	13	6,16	88
NUSRET HALILOVIĆ	17	3,54	36	6,64	19	9,406	19	9,00	91
RANKA BAŠKARAD	20	4,17	36	6,64	20	9,901	13	6,16	89
ALEKSANDRA BABIĆ	44	9,17	10	1,85	4	1,98	5	2,37	63
EMIRA DŽERAHOVIĆ	28	5,83	9	1,66	5	2,475	2	0,95	44
UNKAS ARNAUT	32	6,67	25	4,61	7	3,465	4	1,90	68
ENES MALIČBEGOVIĆ	28	5,83	26	4,8	3	1,485	4	1,90	61
NERMIN TEŠNJAK	22	4,58	19	3,51	4	1,98	1	0,47	46
ASIM PEZER	21	4,38	17	3,14	4	1,98	8	3,79	50
HILMO AHMETOVIĆ	32	6,67		0		0		0,00	32
	480	33,4	542	37,8	202	14,08	211	14,7	1435

Broj riješenih predmeta u toku izvještajnog perioda po godinama inicijalnog akta											
	2014		2013		2012		2011		<2010		UKUPNO
		%		%		%		%		%	
SNJEŽANA ČOLAKOVIĆ	105	8,20	36	2,15	41	2,90	16	3,18	29	3,55	227
EMINA HULUSIJA	3	0,23	52	3,11	81	5,72	31	6,16	65	7,96	232
MUSTAFA ŠABIĆ	21	1,64	108	6,46	82	5,79	30	5,96	67	8,20	308
JASMINA BEGOVIĆ	22	1,72	71	4,25	80	5,65	43	8,55	53	6,49	269
LJILJA SUBAŠIĆ	8	0,63	51	3,05	75	5,30	43	8,55	49	6,00	226
ALBISA KAPIĆ	13	1,02	61	3,65	81	5,72	23	4,57	51	6,24	229
MARIO ANIĆ	20	1,56	99	5,92	75	5,30	27	5,37	65	7,96	286
JASMINKA KUBAT	23	1,80	92	5,51	97	6,85	34	6,76	45	5,51	291
ĐURĐICA RADOŠ	12	0,94	54	3,23	93	6,57	29	5,77	50	6,12	238
INDIRA BALIĆ	9	0,70	53	3,17	102	7,20	21	4,17	54	6,61	239
JOSIP VUKOVIĆ	10	0,78	54	3,23	86	6,07	34	6,76	51	6,24	235
NUSRET HALILOVIĆ	7	0,55	48	2,87	83	5,86	34	6,76	55	6,73	227
RANKA BAŠKARAD	8	0,63	67	4,01	77	5,44	31	6,16	51	6,24	234
ALEKSANDRA BABIĆ	124	9,69	55	3,29	34	2,40	15	2,98	38	4,65	266
EMIRA DŽERAHOVIĆ	162	12,66	38	2,27	31	2,19	17	3,38	36	4,41	284
UNKAS ARNAUT	94	7,34	62	3,71	46	3,25	10	1,99	11	1,35	223
ENES MALIČBEGOVIĆ	181	14,14	253	15,14	106	7,49	21	4,17	12	1,47	573
NERMIN TEŠNJAK	173	13,52	261	15,62	94	6,64	26	5,17	14	1,71	568
ASIM PEZER	30	2,34	102	6,10	51	3,60	18	3,58	21	2,57	222
HILMO AHMETOVIĆ	255	19,92	54	3,23	1	0,07		0,00		0,00	310
	1280	22,5	1671	29,4	1416	24,9	503	8,84	817	14,37	5687

	Broj neriješenih predmeta na kraju izvještajnog perioda po godinama inicijalnog akta										
	2014		2013		2012		2011		<2010		UKUPNO
		%		%		%		%		%	
SNJEŽANA ČOLAKOVIĆ	5	1,20	11	1,73	5	2,76	1	1,47	6	3,57	28
EMINA HULUSIJA	27	6,49	54	8,49	20	11,05	3	4,41	8	4,76	112
MUSTAFA ŠABIĆ	8	1,92	21	3,30	6	3,31	4	5,88	13	7,74	52
JASMINA BEGOVIĆ	16	3,85	47	7,39	10	5,52	5	7,35	13	7,74	91
LJILJA SUBAŠIĆ	18	4,33	68	10,69	20	11,05	6	8,82	15	8,93	127
ALBISA KAPIĆ	24	5,77	61	9,59	13	7,18	5	7,35	11	6,55	114
MARIO ANIĆ	3	0,72	9	1,42	13	7,18	3	4,41	13	7,74	41
JASMINKA KUBAT	6	1,44	23	3,62	14	7,73	6	8,82	7	4,17	56
ĐURĐICA RADOŠ	18	4,33	63	9,91	7	3,87	4	5,88	9	5,36	101
INDIRA BALIĆ	22	5,29	47	7,39	18	9,94	4	5,88	11	6,55	102
JOSIP VUKOVIĆ	16	3,85	56	8,81	19	10,50	1	1,47	12	7,14	104
NUSRET HALILOVIĆ	23	5,53	67	10,53	11	6,08	5	7,35	13	7,74	119
RANKA BAŠKARAD	18	4,33	36	5,66	7	3,87	5	7,35	14	8,33	80
ALEKSANDRA BABIĆ	75	18,03	10	1,57	1	0,55	2	2,94	4	2,38	92
EMIRA DŽERAHOVIĆ	41	9,86	5	0,79	3	1,66	1	1,47	4	2,38	54
UNKAS ARNAUT	5	1,20	6	0,94	1	0,55		0,00	1	0,60	13
ENES MALIČBEGOVIĆ	14	3,37	16	2,52	4	2,21	2	2,94	5	2,98	41
NERMIN TEŠNJAK	7	1,68	15	2,36	7	3,87	6	8,82	3	1,79	38
ASIM PEZER	16	3,85	21	3,30	2	1,10	5	7,35	6	3,57	50
HILMO AHMETOVIĆ	54	12,98		0,00		0,00		0,00		0,00	54
	416	28,3	636	43,3	181	12,32	68	4,63	168	11,44	1469

Iz CMS izvještaja čiji naziv je Statistika trajanja predmeta po referatima, vrstama predmeta i načinu završetka, a koji izvještaj je sastavni dio ovog izvještaja, proizilazi da je prosječno trajanje riješenih 5687 predmeta svih referata ovog suda u 2014. godini iznosilo 91 dan (u 2013. godini prosječno trajanje 4914 riješenih predmeta je iznosilo 112 dana). Prosječno trajanje riješenih parničnih predmeta je iznosilo 121 dan (u 2013 godini je iznosilo 157 dana), zemljišno-knjižnih 126 dana (u 2013. godini je iznosilo 129 dana) , privrednih 67 dana (u 2013. godini je iznosilo 122 dana), izvršnih 109 dana (u 2013. godini je iznosilo 117 dana), upravnih 82 dana (u 2013. godini je iznosilo 85 dana), krivičnih 64 dana (u 2013 godini je iznosilo 68 dana), prekršajnih 34 dana (u 2013. godini je iznosilo 57 dana), a vanparničnih 40 dana (u 2013. godini je iznosilo 47 dana).

Prednji podaci ukazuju na povećanje efikasnosti Kantonalnog suda u Zenici, a što u konačnici znači da je ovaj sud u velikoj mjeri poštovao pravo garantovano članom 6. Evropske konvencije o ljudskim pravima, a koje pravo podrazumijeva pravo pojedinca na pravično suđenje u razumnom roku.

Rokovi za izradu sudskih odluka su se dosljedno poštovali u svim predmetima izuzev tri prvostepena krivična predmeta. Rokovi za izradu sudskih odluka su u ova tri predmeta probijeni do 30 dana. Radilo se o složenim i obimnim krivičnim predmetima, predmeti ratni zločin i organizovani kriminal sa više optuženih lica i krivičnopravnih radnji.

III - RAD KRIVIČNOG ODJELJENJA

U okviru krivičnog odjeljenja vrše se poslovi koji se odnose na poslove prvostepenog i drugostepenog suđenja u krivičnim predmetima, zatim ujedinjenje kazne i brisanje osuda, postupci vezani za molbe za pružanje međunarodne pravne pomoći i izručenje okrivljenih i osuđenih lica, postupci za pomilovanje osuđenih lica, poslovi propisani zakonom koji se obavljaju u okviru referata za prethodni postupak i prethodno saslušanje. U okviru ovog odjeljenja vrše se i poslovi koji se odnose na drugostepeni prekršajni referat.

III A) Potvrđivanje optužnica "Kps"

U toku 2014. godine primljeno je 31 Kps predmet. Ukupno u radu ovih predmeta je bilo 35, riješeno je 30 predmeta, tako da je na kraju 2014. godine ostalo neriješenih 5 Kps predmeta.

U ovim predmetima su se sudije pridržavale rokova utvrđenih Zakonom o krivičnom postupku Federacije Bosne i Hercegovine, što znači da je u svim predmetima odlučeno o optužnici u roku od 8 dana i u istim je u zakonskom roku održano ročište za izjašnjenje o krivnji. Po svim predmetima u kojima je potvrđena optužnica i nakon što su prerasli u " K " fazu, suđenje je zakazano u zakonom određenom roku od 60 dana.

U okviru krivičnog odjeljenja završen je 201 Kpp predmet (pojedine istražne radnje), 141 Kv predmet koji predmeti se odnose na rješavanje po žalbama na rješenje o određivanju pritvora, preuzimanje izvršenja stranih sudskih odluka u krivičnim stvarima i postupak ekstradicije, odlučivanje po prijedlozima osuđenih lica za ponavljanje postupka, zahtjevi za prekid postupka izdržavanja kazne i drugo.

III B) Prvostepeni krivični referat

Na prvostepenom krivičnom referatu u 2014. godini bilo je ukupno u radu 59 predmeta, od kojih je riješeno 40 predmeta. Na kraju godine ostalo je neriješeno 19 predmeta. Od ukupnog broja neriješenih K predmeta u 3 predmeta ne postoje procesne pretpostavke za postupanje, jer su optuženi u bjekstvu i za istim je raspisana potjernica koja nije realizovana.

Od 40 završenih predmeta, 39 predmeta su završeni osuđujućom presudom, te je u tim predmetima izrečena ukupna kazna zatvora protiv 52 lica u trajanju od 189 godina i 5 mjeseci. U 2014. godini jedan K predmet se završio oslobađajućom presudom.

Presude na osnovu zaključenog sporazuma o priznanju krivnje donesene su u 23 predmeta, što u procentu iznosi 55% od ukupnog broja riješenih predmeta, a izrečena krivično-pravna sankcija optuženom primjenom ovog instituta kretala se zavisno od težine krivičnog djela u rasponu od 1 do 12 godina.

U strukturi završenih prvostepenih krivičnih predmeta, 9 predmeta ili 22,50% se odnosi na krivično djelo razbojništva iz člana 289. stav 2 KZ FBiH, 7 predmeta ili 17,50% se odnosi na krivično djelo neovlašćena proizvodnja i stavljanje u promet opojnih droga iz člana 238. stav 2. KZ FBiH, 7 ili 17,50% predmeta se odnosi na krivično djelo ubistva iz člana

166. stav 1. i 2. KZ FBiH, 4 ili 10,00% predmeta se odnose na teška krivična djela protiv sigurnosti saobraćaja iz člana 336. stav 2. i 4. KZ FBiH

III C) Predmeti ratnog zločina

U 2014. godini primljena su 4 predmeta ratnog zločina. Sva četiri predmeta su se odnosila na krivično djelo ratni zločin protiv civilnog stanovništva iz člana 142. stav 1. KZ SFRJ. Broj prenesenih predmeta ratnog zločina iz 2013. godine je 7, tako da je u 2014. godini u radu bilo ukupno 11 predmeta. U 2014. godini riješeno je 5 predmeta ratni zločin. Po jedan predmet se odnosi na krivično djelo ratni zločin protiv ranjenika i bolesnika i ratni zločin protiv ratnih zarobljenika iz člana 143 i 144 KZ SFRJ, a tri predmeta na krivično djelo ratni zločin protiv civilnog stanovništva iz člana 142 preuzetog KZ SFRJ. Riješeni predmeti ratnog zločina su okončani osuđujućim presudama koje su obuhvatile 6 lica, a ukupna izrečena kazna zatvora iznosi 45 godina. Rad na predmetima ratnog zločina predstavlja apsolutni prioritet, a što znači da se na svim predmetima tokom 2014. godine kontinuirano i intenzivno radilo.

III D) Predmeti korupcije i organizovanog kriminala

U 2014. godini u sud su zaprimljena 2 predmeta koji se odnose na krivična djela iz glave XXXI KZ FBiH. U izvještajnom periodu riješena su tri predmeta koji se odnose na organizovani kriminal i korupciju. Jedan od tri riješena predmeta je i predmet koji se kod ovog suda vodio od 06.06.2011. godine, prvobitno protiv 22 lica kojim se stavljalno na teret izvršenje krivičnih djela organizovani kriminal iz člana 342. stav 1. KZ FBiH u vezi sa krivičnim djelom teške krađe iz člana 287. stav 4. KZ FBiH, krivično djelo iznude iz člana 295. stav 2. KZ FBiH i u vezi sa krivičnim djelom prikrivanja iz člana 300. stav 1. u vezi sa članom 31. KZ FBiH, a koja krivična djela su osuđeni vršili kao pripadnici grupe za organizovani kriminal formirane u toku 2008. godine i koja je djelovala tokom 2009. i 2010. godine na području četiri kantona Federacije BiH, radi vršenja krivičnih djela teških krađa motornih vozila. U ovom krivičnom predmetu u odnosu na određena lica krivični postupak je završen donošenjem presuda po osnovu sporazuma o priznanju krivnje. Osuđujućom krivičnom presudom postupak je završen protiv 7 lica i izrečena ukupna kazna zatvora iznosi 12 godina i 6 mjeseci.

U 2014. godini u krivičnim predmetima u prvostepenom postupku nije bilo obustava postupka zbog zastare krivičnog gonjenja.

Sud je u toku 2014. godine odredio pritvor protiv 26 lica osumnjičenih da su počinili krivično djelo.

Sud je u 2014. godini u 22 predmeta za 27 lica postavio braniocce po službenoj dužnosti i to zbog obavezne odbrane i slabog imovnog stanja kako je to predviđeno odredbama Zakona o krivičnom postupku. Svi postavljani branioci po službenoj dužnosti su iz reda advokata.

III E) Drugostepeni krivični referat

U nadležnosti ovog referata je odlučivanje o žalbama izjavljenim protiv odluka općinskih sudova u krivičnom postupku.

Na kraju 2013. godine na ovom referatu je ostalo 88 neriješenih predmeta. U 2014. godini su primljena 342 predmeta. Riješeno je 346 predmeta, a ostala neriješena 84 predmeta. U odnosu na 2013. godinu broj riješenih drugostepenih krivičnih predmeta je veći za 117.

U strukturi primljenih drugostepenih krivičnih predmeta najveći broj tj. 42 predmeta se odnosi na krivično djelo teška krađa iz člana 287. stav 1. 2. 3. i 4. KZ FBiH, 27 predmeta se odnose na krivično djelo šumska krađa iz člana 316. stav 1. i 2. KZ FBiH, 21 predmet se odnosi na krivično djelo krađa iz člana 286. stav 1. i 2. KZ FBiH, 15 predmeta se odnosi na krivično djelo nasilničko ponašanje iz člana 362. stav 1. i 2. KZ FBiH, 18 predmeta se odnosi na krivično djelo neovlašćena proizvodnja i stavljanje u promet opojnih droga iz člana 238. stav 1. i 4. KZ FBiH, 15 predmeta se odnosi na krivično djelo nasilničko ponašanje iz člana 362. stav 2. KZ FBiH, 13 predmeta se odnosi na krivično djelo teška tjelesna povreda iz člana 172, stav 1 KZFBiH, 10 predmeta se odnosi na krivično djelo posjedovanje i omogućavanje uživanja opojnih droga iz člana 239. stav 3. KZ FBiH, 7 predmeta se odnosi na zloupotrebu položaja ili ovlašćenja iz člana 383. stav 2. KZFBiH.

U okviru drugostepenog krivičnog referata završeno je 6 Kžk predmeta u kojima je ukinuta odluka prvostepenog suda i održan pretres pred ovim sudom.

U toku 2014. godine u drugostepenim krivičnim predmetima nije bilo obustava postupka zbog zastare krivičnog gonjenja.

III F) Drugostepeni prekršajni referat

U okviru drugostepenog prekršajnog referata odlučuje se o žalbama izjavljenim protiv odluka općinskih sudova donesenih u prekršajnom postupku.

U 2014. godini na ovom referatu u radu je bilo 777 predmeta. Riješeno je 769 predmeta. Na kraju godine ostalo je neriješeno 8 predmeta. Ovim predmetima se posvećuje posebna pažnja i prioritetno uzimaju u rad kako ne bi nastupila zastara vođenja prekršajnog postupka.

Kantonalni sud u Zenici je u 2014. godini u tri drugostepena prekršajna predmeta (Pžp) obustavio postupak protiv okrivljenih zbog zastarjelosti vođenja prekršajnog postupka. Važno je istaći da je u sva tri predmeta zastara vođenja prekršajnog postupka nastupila prije nego što su predmeti dostavljeni ovom sudu na rješavanje po žalbi.

IV - GRAĐANSKO ODJELJENJE

U okviru građanskog odjeljenja se odlučuje o žalbama protiv odluka općinskih sudova iz građansko-pravne i privredne oblasti, a rješavaju se i zahtjevi za priznanje stranih sudskih odluka.

IV A) Drugostepeni građanski referat

Na drugostepenom građanskom referatu (izvršni, parnični, vanparnični i zemljišno-knjižni) na kraju 2013. godine je ostalo neriješeno 1112 predmeta u kojem broju su uvršteni i predmeti radnih sporova.

U 2014. godini broj primljenih predmeta drugostepenog građanskog referata je iznosio 3483. Broj riješenih predmeta je 3434. Na dan 31.12.2014. godine ovaj sud nije imao nijedan neriješen predmet ovih referata, a da je predmet u ovaj sud zaprimljen tokom 2013. godine ili prije. Neriješeni predmeti su ovaj sud zaprimljeni u drugoj polovini 2014. godine.

Imajući u vidu naprijed navedene podatke, očigledno je da je Kantonalni sud u Zenici prednje referate učinio znatno ažurnijim u odnosu na neke prethodne godine.

U strukturi riješenih predmeta drugostepenog građanskog referata 346 predmeta se odnose na naknadu štete, 264 predmeta na isplatu potraživanja, na zemljišno-knjižne sporove 107, na brakorazvodne sporove 45, utvrđenje bračne stečevine 28, izdržavanje djece 24, utvrđenje i uknjižba 44, ostavinski postupak 30, dok se ostali predmeti odnose na smetanje posjeda, poništenje i utvrđenje ništavosti, uređenje međa, određivanje staranja o djetetu i razne izvršne predmete.

Iz analize broja riješenih predmeta na drugostepenom parničnom referatu zaključuje se da zakonska rješenja sadržana u Zakonu o parničnom postupku koja propisuju nemogućnost ukidanja prvostepene presude zbog pogrešno i nepotpuno utvrđenog činjeničnog stanja imaju uticaj na veliki broj meritorno riješenih predmeta. Naime, od 3434 riješenih predmeta, prvostepena odluka je ukinuta u 61 predmetu, što od ukupnog broja riješenih predmeta čini procenat od 1,77% . U 2013. godini taj procenat je iznosio 5,51%

IV B) Drugostepeni privredni referat

Na predmetima privrednog referata (Ip-Pž, L-Pž, Mals-Pž, Ps-Pvl, Ps-Pž, Reg-Pž i St-Pž) na kraju 2013. godine su ostala neriješena 24 predmeta. U 2014. godini primljeno je 208 predmeta. Riješeno je 184 predmeta. Broj neriješenih predmeta na kraju 2014. godine iznosi 48. Važno je istaći da na kraju 2014. godine nema neriješenih stečajnih, likvidacionih i registarskih Pž predmeta. Neriješeni predmeti su u ovaj sud zaprimljeni u posljednjem kvartalu 2014. godine.

IV C) Priznanje stranih sudskih odluka

Na referatu priznanje stranih sudskih odluka „V“ u 2014. godini ukupno u radu je bilo 113 predmeta. Riješeno je 110 predmeta. Tri predmeta nisu riješena zbog dužine trajanja međunarodne dostave prijedloga na odgovor (dostavljanje diplomatskim putem).

V - ODJELJENJE ZA UPRAVNE SPOROVE

Prema Zakonu o upravnim sporovima („Službene novine Federacije BiH“ broj 9/05) kantonalni sudovi u upravnim sporovima odlučuju o zakonitosti akata kojim organi uprave i službe za upravu u općini i gradu, odnosno privredna i druga društva, ustanove i druga pravna lica koja imaju javna ovlašćenja da rješavaju o pravima i obavezama pojedinaca i pravnih lica u pojedinačnim upravnim stvarima i to prema sjedištu prvostepenog organa, odnosno njegove organizacione jedinice.

Na referatu upravnih sporova preneseno je 97 predmeta iz 2013. godine. U toku 2014. godine primljena su 634 predmeta. Završeno je 565. Ostalo je neriješeno 166 predmeta.

Na ovom referatu je i 2014. godini zadržana zavidna ažurnost budući da na dan 31.12.2014. godine Kantonalni sud u Zenici nije imao nijedan neriješen predmet koji je u ovaj sud zaprimljen 2013. godine i ranije. Neriješeni predmeti su u sud zaprimljeni u periodu oktobar-decebar 2014. godine.

U strukturi primljenih i riješenih predmeta upravnih sporova bilo je 128 predmeta koji se odnose na penzijsko i invalidsko osiguranje, 63 predmeta se odnose na oblasti poreza, a 32 predmeta se odnose na boračko-invalidsku zaštitu. Ostali predmeti se odnose na oblast građenja, komunalne i druge naknade, sporove vezane za primjenu Zakona o izbjepljicama i raseljenim licima i drugo.

Na ovom referatu predmeti se završavaju uglavnom u roku od 2,5 mjeseca od prijema tužbe u sud, s tim što su prioritet u radu imali predmeti koji se odnose na primjenu imovinskih zakona i boračko-invalidske zaštite, kao i predmeti zaštite sloboda i prava zajamčenih Ustavom koji su i po Zakonu o upravnim sporovima propisani kao predmeti hitne prirode u okviru referata upravnih sporova.

VI - SUDSKA UPRAVA

Poslovi kojim se obezbjeđuju uslovi za pravilan rad i poslovanje suda obavljaju se u okviru sudske uprave.

U cilju praćenja ažurnosti suda Odjeljenje sudske uprave kontinuirano prati ažurnost rada suda na svim referatima na način što se vrši satističko utvrđivanje stanja riješenih i neriješenih predmeta sa kojima je zadužen svaki sudija, stanje neriješenih predmeta iz ranijih godina, te izrada sudskih odluka u zakonom, utvrđenim rokovima. Te analize omogućavaju da uprava suda i rukovodioci sudskih odjeljenja na kraju svakog mjeseca znaju koliko je predmeta ostalo neriješeno, na kojim referatima, koliko predmeta je primljeno u rad tokom mjeseca, koliko predmeta je riješeno po svakom sudiji na referatima, na koji način su predmeti riješeni i kvalitet sudskih odluka.

U 2014. godini održane su 4 opće sjednice u čijem radu učestvuju sve sudije, po 11 sjednica krivičnog i građanskog odjeljenja, 10 sjednica odjeljenja za upravne sporove i 2 sjednice Stručnog kolegija suda. Na sjednicama su razmatrana sva aktuelna pitanja od interesa za rad suda, ažurnost suda i sudija, razmatrani nacrti zakonskih akata i davana mišljenja i sugestije na te nacрте, kao i druga pitanja od značaja za ukupan rad suda.

U 2014. godini održana su dva sastanka sa predsjednicima općinskih sudova sa područja Kantonalnog suda u Zenici. Na sastanku koji je održan 11.02.2014. godine razmatrani su Izvještaji u o radu Kantonalnog suda u Zenici i općinskih sudova sa područja Kantonalnog suda u Zenici za 2013. godinu.

Na sastanku koji je održan 10.11.2014. godine prezentovani su podaci vezani za realizaciju planova rješavanja starih predmeta za 9 mjeseci 2014. godine, te su razmijenjene informacije o iskustvima u cilju poboljšanja ostvarenja realizacije planova s posebnim osvrtom na ujednačavanje sudske prakse u predmetima koji se nлаze u planovima rješavanja starih predmeta.

Dana 09.06.2014. godine održan je sastanak sa predsjednicima općinskih sudova sa područja Kantonalnog suda u Zenici, predsjednicima privrednih, građanskih i izvršnih odjeljenja ovih sudova, radi usaglašavanja sudske prakse u stečajnim predmetima i predmetima proizašlim iz stečajnog postupka.

U 2014. godini zaprimljno je 1627 različitih Su predmeta (SuSpi, SuFin, SuIT i SuDp) prednjih predmeta i svi su riješeni. Ovi predmeti nisu sadržani u priloženim tabelarnim pregledima.

U 2014. godini uspješno je realizovan program stručnog usavršavanja sudija, državnih službenika i ostalih zaposlenika preko Centra za edukaciju sudija i tužilaca u Federaciji BiH, Visokog sudskog i tužilačkog vijeća BiH, Agencije za državnu službu u Federaciji BiH i drugih institucija koje se баве stručnim osposobljavanjem sudija, državnih službenika i ostalih zaposlenika. U vezi s tim, potrebno je napomenuti da je novoimenovana sudija Ranka Baškarad bila u obavezi da provede na stručnom osposobljavanju 8 dana, a ostale sudije 3 dana, te da su sudije ovog suda predmetnu obavezu ispunili provodeći potrebne

dane na edukaciji koja je obavljena kroz održane seminare, konferencije i razne okrugle stolove na kojima su razmatrana aktuelana pitanja vezana za primjenu zakona iz krivičnopravne, građanske i upravne oblasti u Federaciji BiH, etičkih standarda, najnovijih stručnih i naučnih dostignuća u oblasti prava i sudske prakse drugih zemalja.

Državni službenici i namještenici su kroz seminare organizovane putem Agencije za državnu službu u Federaciji BiH prisustvovali određenim seminarima u skladu sa Programom stručnog usavršavanja donesenim od strane ove Agencije.

Interno stručno usavršavanje realizovalo se popunjavanjem sudske biblioteke stručnom literaturom koja je kupljena iz budžetskih sredstava namijenjenih za ove potrebe. Iz ovog suda dvoje sudija je na seminarima u 2014. godini kao verifikovani edukatori bili angažovani od strane Centra za edukaciju sudija i tužilaca u Federaciji BiH u cilju edukacije sudija, stručnih saradnika i pripravnika.

U nadležnosti sudske uprave je i referat izvršenja krivičnih sankcija (Iksž) koji je potpuno ažuran i efikasan, jer se predmeti ove vrste završavaju u zakonskom roku od 3 dana od prijema u sud, kako je to propisano Zakonom o izvršenju krivičnih sankcija u Federaciji Bosne i Hercegovine ("Službene novine Federacije BiH" broj: 44/98, 42/99, 12/09 i 42/11). Na dan 31.12.2014. godine ovaj sud nije imao nijedan neriješen Iksž predmet.

U 2014. godini niti u jednom Iksž predmetu nije nastupila zastarjelost izvršenja kaznene mjere.

Temeljem odredbe člana 160. Zakona o krivičnom postupku Federacije BiH ("Službene novine Federacije BiH" broj 35/03, 37/03, 56/03, 78/04, 28/05, 55/06, 27/07, 53/07 i 22/09) u 2014. godini je jedanaest puta izvršen obilazak pritvorenika u u Odjeljenju pritvora Kazneno popravnog zavoda zatvorenog tipa Zenica.

Odjeljenje sudske uprave postupa i po predstavkama građana i drugih pravnih subjekata. U 2014. godini sud je primio 84 predstavke koje su se uglavnom odnosile na urgentno rješavanje predmeta po žalbi i to na drugostepenom parničnom i privrednom referatu.

Podnosioci predstavki su blagovremeno obavještavani o vremenu kada će predmet po redoslijedu rješavanja biti završen.

U Kantonalnom sudu u Zenici se elektronski vode svi predmeti što omogućava efikasno praćenje rada na predmetima. Sud je u potpunosti tehnički opremljen za rad u CMS sistemu, a koji sistem se u cjelosti primjenjuje u ovom sudu.

VI A) Saradnja sa drugim institucijama

U 2014. godini sud je kao i ranijih godina ostvario izuzetno dobru saradnju sa Visokim sudskim i tužilačkim vijećem BiH koje ga prati u njegovom radu i pruža punu podršku radi ostvarivanja nezavisnog, nepristrasnog i profesionalnog pravosuđa.

Od maja mjeseca 2014. godine u toku su aktivnosti vezane za realizaciju projekta Uspostavljanje sistema podrške žrtvama i svjedocima u Zeničko-dobojskom kantonu 2014-2015. Donator ovog projekta je Vlada Sjedinjenih Američkih Država, realizator UNDP, a korisnici projekta Kantonalni sud u Zenici i Kantonalno tužilaštvo Zeničko-dobojskog kantona. Memorandum o razumijevanju između razvojnog programa Ujedinjenih naroda, Kantonalnog suda u Zenici, Visokog sudskog i tužilačkog vijeća BiH, Federalnog

ministarstva pravde, Ministarstva za pravosuđe i upravu Zeničko-dobojskog kantona i Vlade Zeničko-dobojskog kantona je potpisan. Trenutno su u toku aktivnosti koje prethode podnošenju zahtjeva za dobijanje dozvole za gradnju. Rješenjem o lokacijskoj informaciji Službe za prostorno uređenje općine Zenica broj 06-23-4471/14 od 06.12.2014. godine data je lokacijska informacija za nadogradnju (proširenje) postojećeg objekta Kantonalnog suda u Zenici iznad dijela ulazne partije, ukupnih dimenzija 4,90 x 10,90 m u nivou spratnih etaža (I, II, III sprat). Realizacijom ovog projekta u Kantonalnom sudu u Zenici će, ne samo biti uspostavljen Odjel za podršku svjedocima, već će Kantonalni sud u Zenici dobiti i četiri nove kancelarije čime će doći do ublažavanja problema koji se odnosi na nedostatak kancelarijskog prostora. Od 13.10.2014. godine u ovom sudu radi stručni saradnik za podršku svjedocima-psiholog temeljem ugovora zaključenog sa UNDP.

Isto tako, sud je ostvario dobru saradnju sa Pravnim fakultetom Univerziteta u Zenici, OSCE-om, općinskim sudovima na području Zeničko-dobojskog kantona. Izuzetno dobra saradnja je ostvarena i sa Ministarstvom za pravosuđe i upravu Zeničko-dobojskog kantona koje mu pruža materijalnu podršku kako bi se rad suda odvijao nesmetano. Nadalje, dobra saradnja je ostvarena i sa Institucijom Ombudsmana BiH, Ministarstvom pravde Federacije BiH i BiH, Regionalnom advokatskom komorom, kao i drugim institucijama sa kojima se sud susreće u svom radu.

VII - ZAKLJUČNE NAPOMENE

Iz podataka navedenih u ovom izvještaju je evidentno da je Kantonalni sud u Zenici u toku 2014. godine postigao zapažene rezultate kako u pogledu kvantiteta rada, tako i u pogledu kvaliteta rada. Programom rada suda za 2015. godinu je planirano da se očuva kvalitet rada suda, da se na svim referatima koji su ažurni održi ažurnost, a da se na drugostepenom građanskom referatu i dalje nastoji smanjiti broj neriješenih predmeta i povećati ažurnost. Cilj koji ovaj sud želi postići je da se najveći broj predmeta rješava u zakonom propisanim rokovima. U nastojanju da nastavimo još bolje i još efikasnije imaćemo na umu da izvršavanje sudijske funkcije predstavlja ne samo dužnost već i čast, da se zakonitost u suđenju ne smije ugroziti i da su sudovi brane u sprečavanju nezakonitosti u postupanju drugih organa.

Sud je u 2014. godini, iako uz izuzetne interne mjere štednje, ostvario uspješno svoju funkciju. Poteškoće su izražene u izmirenju finansijskih obaveza za branioce po službenoj dužnosti. Neizmirena finansijska obaveza suda iz 2012. godine po ovom osnovu iznosi 23.747,00 KM, iz 2013. godine 159.523,21KM, a iz 2014. godine 296.169,49 KM, ukupno 479.439,70 KM. Rezultat velikog broja angažovanih branilaca po službenoj dužnosti je uzrokovan povećanim prilivom predmeta u kojima su protiv osumnjičenih određivane mjere pritvora, što automatski podrazumijeva i određivanje branilaca po službenoj dužnosti. O ovim neizmirenim obavezama sud je redovno obavještavao kako Ministarstvo za pravosuđe i upravu tako i Ministarstvo za finansije Zeničko-dobojskog kantona predlažući poduzimanje mjera kako bi se ublažile neizmirene finansijske obaveze po ovom osnovu. Za očekivati je da će se u što kraćem roku najodgovornije pristupiti rješavanju ovog problema.

Interne mjere štednje će ostati na snazi i u 2014. godini kako bi odobrenim novčanim sredstvima u Budžetu za 2015. godinu Kantonalni sud u Zenici mogao uspješno funkcionisati.

I u ovoj godini posebna pažnja će biti usmjerena na dalje kadrovsko jačanje suda, prije svega u pravcu obezbjeđenja još jednog dodatnog sudije, psihologa i stručne osobe za odnose sa javnošću, kako bi se stvorile dobre pretpostavke za još efikasniji rad suda, obezbjeđenje odgovarajuće psihološke, tehničke i drugih vidova podrške i pomoći svjedocima

prije, za vrijeme i poslije suđenja i blagovremenog i kvalitetnog informisanje javnosti o postupcima u sudu i radu suda u cjelini. Istovremeno, vjerujemo da će nadležni organi vlasti i dalje pružati neophodnu materijalnu potporu kako ne bi bio doveden u pitanje rad suda.

- Prilog:**
1. Protok predmeta po referatima i vrstama predmeta za period 01.01.2013. do 31.12.2013.godine
 2. Protok predmeta po referatima i vrstama predmeta za period 01.01.2014. do 31.12.2014.
 3. Statistika trajanja predmeta po referatima, vrstama predmeta i načinu završetka za period 01.01.2014. do 31.12.2014.

Predsjednica suda

Snježana Čolaković

Dostavljeno:

1x Visoko sudsko i tužilačko vijeće BiH

1x Vrhovni sud FBiH

1x Federalno ministarstvo pravde

1x Ministarstvo za pravosuđe i upravu

Zeničko-dobojskog kantona

1x a/a